



OLATZ EIZAGIRRE ORBEGOZO, UROLA ERDIKO MANKOMUNITATEKO IDAZKARI KONTU HARTZAILEAK

NEUK ZIURTATUTA

Urola Erdiko Mankomunitateko Batzar Nagusiak, bi mila eta hogeitahiruko martxoaren hogeita hamaiketan egindako bileran, aho batez, honako hau onartu duela:

4. Iruzuraren, ustelkeriaren eta interes-gatazkaren plana zaindu eta baloratuko duen pertsona bakarreko batzordea sortzea onartzea.

Lehena. Onartzea Urola Erdiko Mankomunitateko iruzurraren, ustelkeriaren eta interes-gatazkaren kontrako batzordea sortzea.

Bigarrena. Onartzea, batzordea pertsona bakarrekoa izatea, eta pertsona hori izatea Urola Erdiko Mankomunitateko administrazio orokorreko administrari plaza betetzen duena.

Hirugarrena. Onartzea batzorde horren eginkizunak eta funtzioak hauek izango direla. Funtsezko elementua da planaren gainerako neurriak eta tresnak gauzatzeko, aurrez deskribatutako helburuak lortze aldera, eta unitate honek ditu bi funtzio bloke gauzatzeko ardura:

A) Iruzuraren aurkako estrategiaren diseinuari dagozkionak, horren gainean prestatuko baitira iruzurraren aurkako plana, haren prestaketa, haren jarraipena, eguneratzea eta emaitzaren ebaluazioa. Eta beste alde batetik:

B) Kudeaketa kontrolatzeko zereginak, identifikatutako arrisku espedienteak egiaztatu eta aztertzeari dagokionez, eta, hala badagokio, neurri espezifikoak proposatzeari dagokionez.

Iruzuraren aurkako batzordearen eginkizunak:

A) Mankomunitateko gobernuan iruzurraren aurkako politika diseinatu, ezarri eta jakinaraztea, langileen artean interes-gatazka eta iruzurra saihesteko prozedurak, alerta-adierazleak (bandera gorriak), aurreikusitako kontrolak, aplikatu daitezkeen zehapenak eta administrazio- eta lege-ondorioak ezarriz eta komunikatuz.

B) Iruzur-arriskua auto-ebaluatzen metodoa eta tresna diseinatzea, ezartzea eta gainbegiratzea. Tresna berean, iruzur-arrisku nagusiak identifikatu eta neurtzen dira, eta horiek arintzeko beharrezko kontrolak zehazten dira. Irregularitasun sistemiko bat hautemanen gero, ekintza-plan zehatzak zehaztuko dira, hura arintzeko.



C) Iruzur-arriskuak identifikatu, sailkatu edo eguneratzearekin eta kontrol aringarriak sortu edo egokitzearekin lotutako neurriak ezartzea, eta horiek egiteko epeak eta arduradunak esleitzea.

D) Batzordearen komunikazio-kanal ofiziala sortzea eta kudeatzea. Horren bidez, iruzurraren aurkako lantaldeko edozein kidek iruzur arriskuarekin lotutako informazioa bidali edo jaso diezaieke batzordeko gainerako kideei.

E) Urola Erdiko Mankomunitatearen webgunean salaketa-kanala abian jartzea, iruzur-arriskua sor dezaketen egoeretarako.

F) Jasotako salaketak jasotzea eta aztertzea, eta iruzurraren edo ustelkeriaren eragina ebaluatzea.

G) Iruzur edo interes-gatazka susmo guztiak ikertzea, edozein bide erabilita ere. Susmorik balitz dagokion ikerketa erreserbatua abiaraztea proposatuko da, Lehendakaritzari helaraziz.

H) Iruzurra prebenitzeko, detektatzeko, zuzentzeko eta jazartzeko neurri eraginkorrak eta proportzionatuak proposatzea, ezartzea eta horien jarraipena egitea.

I) Auditoretza-pista bermatzea, prozesu osoa korporazioaren barne sistemen bidez dokumentatuz.

J) Batzordearen konpromiso, neurri eta erabaki guztien berri ematea, bai eta susmo-kasu bat ikertzen hasi dela edo horren emaitza jakinaraztea ere; kasu horretan, lehendakaritzari jakinarazi beharko diote.

K) Urola Erdiko Mankomunitatearen Batzar Nagusiei proposatzea iruzurraren aurkako neurrien plana onar dezala eta aldiari-aldiari egunera dezala, bai eta aplikatu daitezkeen arrisku-adierazleak ere, eta iruzurraren aurkako arloan adierazpen instituzionala proposa dezala.

L) Interes-gatazka, iruzurra eta ustelkeria prebenitzeko, detektatzeko, zuzentzeko eta jazartzeko beharrezkoak diren dokumentu-ereduak baliozkotzea, bai eta lotutako jardueren dokumentazioa ere.

M) Urola Erdiko Mankomunitateko langileei jakinaraztea iruzurraren aurkako neurrien plana bera onartu eta eguneratu dela, bai eta planaren inguruan egin beharreko gainerako jakinarazpenak eta hartu beharreko neurriak ere.

N) Plan honetan xedatutakoa interpretatzea eta eskatzen dituen zalantza edo argibide

UROLA ERDIKO ZERBITZUEN MANKOMUNITATEA

Plaza nagusia 11-1 a,2. bulegoa | 20730 Azpeitia | Gipuzkoa

Tel: 943857319 | ueue@urolaerdia.eus | www.urolaerdia.eus



guztiak ebaztea.

Eta hala jasota gera dadin eta behar diren eraginak sortzeko, honako ziurtagiri hau luzatzen eta izenpetzen dut, Lehendakariaren aurrean eta oniritziarekin, Azpeitian bi mila eta hogeitahiruko apirilaren hiruan.

O.I.

**UROLA ERDIKO MANKOMUNITATEKO
LEHENDAKARIAK**

Aitor Bereziartua Larrañaga

IDAZK-KONTU-HARTZAILEAK

Olatz Eizagirre Orbegozo

UROLA ERDIKO ZERBITZUEN MANKOMUNITATEA
Plaza nagusia 11-1 a,2. bulegoa | 20730 Azpeitia | Gipuzkoa
Tel: 943857319 | ueue@urolaerdia.eus | www.urolaerdia.eus



Egiaztapen Kode Segurua/Código Seguro de Verificación: **ESKUc845980e-0e7c-46cc-958c-10750c27f70e**

Dokumentu elektronikoen honen paperezko kopiaren osotasuna eta sinadura egiaztatzeko, sar ezazu egiaztapen kode segurua egoitza elektronikoan:
<https://uzt.gipuzkoa.eus?De=59910>

Compruebe la integridad y firma de la copia en papel de este documento electrónico, introduciendo el código seguro de verificación en la sede electrónica: **<https://uzt.gipuzkoa.eus?De=59910>**

Sinaduren laburpena / Resumen de firmas

Titulua / Título:

2023AKTA0004-Iruzuraren batzordea osatzea/Iruzuraren batzordea osatzea